

**BANCO CENTRAL DI ARUBA TA
INVITA COMUNIDAD DI ARUBA
PA UN EXPERIENCIA UNICO Y
EDUCATIVO**




WWW.SOLODIPUEBLO.COM



SOLODIPUEBLO@GMAIL.COM

15 LUNA DI PRISON PA MUCHA DI 17 AÑA CU A PURBA MATA HENDE CU AUTO



**Parlamentario Eduard Pieters di PPA:
“MOCION DI MIEMBRO DI
PARLAMENTO DI TWEED KAMER, SR
WHITE, TA UN OPORTUNIDAD REAL PA
LOGRA BRAIN GAIN PA ARUBA”**

**TRAHANDO HUNTO
CU SOGA PA YEGA
NA UN SOLUCION
STRUCTURAL
HOH TA INFORMA
TOCANTE SITUACION DI
SISTEMA DI KOELING**



**CORDA PARKEER
BON PA BO NO
HAYA BO TA PAGA BOET**



ACCIDENTE CU BASTANTE DAÑO MATERIAL NA POS ABOU



Pos Abou - Diaranson algo prome cu 12'or di merdia a sosode un accidente cu basta daño material, na e crusad T na Pos Abou.

Polis y ambulance tawata necesario, debi cu e chauffeur di Van H1 tawata

tin mester di asistencia medico.

E accidente a sosode momento cu e Van a subi caminda sin duna preferencia na e Nissan Fair Lady cu tawata biniendo di pariba.

Door di e fayó aki e Nissan a dal den e banda robes di e Van, causando cu e chauffeur a resulta herida.

Paramediconan a atende cu e herido.

GOBIERNO TA REFORSA TRANSPARENCIA DEN MANEHO DI COMPANIANAN ESTATAL: POST ARUBA N.V. A ENTREGA CUENTANAN ANUAL 2016-2022

Oranjestad, 8 october 2025 – Minister di Finansa, Asunto Economico y Sector Primario, mr. Geoffrey Wever, a reuni awe na Bestuurskantoor cu directora di Post Aruba N.V., señora Esther Gomes, y e Hunta di Comisario di Post Aruba N.V., caminda cu a entrega formalmente e cuentanan anual di e compania pa e periodonan 2016 te cu 2022.


Minister Wever a destaca cu e logro aki ta resultado di un trabou intenso y dedicacion constante di e directiva actual di

Post Aruba N.V., e ekipo financiero, y e Hunta di Comisario, pa yega na un punto den cual e atraso financiero tabata por wordo solucionado.

“No ta un situacion ideal cu un entidad estatal tin un atraso asina grandi den su iaarrekeningnan, pero mi ta contento pa mira cu despues di un proceso di restructuración, cu un directiva nobo y un Raad van Commisaris nobo, Post Aruba N.V. a logra entrega e prome batch di iaarrekeningnan atrasa,” Minister Wever a splica.

E minister a agrega cu e compromiso di Post Aruba N.V. pa entrega e iaarrekeningnan di 2023 y 2024 dentro di dos kwartal di e siguiente aña, ta un paso esencial pa sigura cu e compania estatal ta completamente al dia cu su estadonan financiero, manera cu ta rekeri pa tur entidad estatal.

“Como gobierno, nos ta exige cu tur companianan estatal cumpli cu e mesun standard di transparencia y rindimento di cuenta. E ta un parti integral di nos maneho responsabel di finansa publico y di un



gubernacion moderno,” Minister Wever a enfatisa. Minister Wever tambe a recorda cu recientemente e gobierno a aproba e “Deelneming en Dividendbeleid” pa tur e entidadnan estatal, un paso cu ta fortifica e marco pa un maneho mas claro, eficiente y sostenibel di e companianan estatal.

“Nos kier manda un mensahecla: transparencia y rindimento di cuenta no ta opcional. Mi ta felicita e directiva di Post Aruba N.V., e ekipo financiero y e Hunta di Comisario pa nan esfuerso y dedicacion pa pone e compania rib caminda di progreso y cumplimento,” Minister Wever a concluí.

Parlamentario Eduard Pieters di PPA:

“MOCION DI MIEMBRO DI PARLAMENTO DI TWEEDE KAMER, SR WHITE, TA UN OPORTUNIDAD REAL PA LOGRA BRAIN GAIN PA ARUBA”

Fraccion di PPA constantemente ta percura pa keda na altura di e desaroyonan cu ta tumando lugar na Hulanda y ta sigui esaki di cerca. Ta un gran placer pa mira cu den Tweede Kamer mes, representante di e partidonan GroenLinks y Partij van de Arbeid, cu ta considera como “zuspartij”, di PPA, miembro di Twee Kamer, sr. Raoul White a presenta un mocion, cu por habri un futuro diferente pa nos hobennan. E mocion ta pidi pa gobierno Hulandes explora posibilidad pa un periodo di Gracia of un areglo special pa pago di e debe di e studiantenan di e islanan; Aruba, Boneiro, Corsou, St. Maarten, Saba

y St. Eustatius.

“E motibo di e iniciativa ta cla: yuda nos hobennan pa por instala bek na nan pais, despues di un estudio superior cu exito na Hulanda. Di e forma aki ta crea un berdadero brain gain pa nos comunidad”. Partido di PPA ta duna su apoyo firme na e mocion aki, pasobra esaki tabata un di e metanan den nan programa Nos Aruba 2050, cu e partido a core campaña cu ne aña pasa. Parlamentario Eduard Pieters a cita textualmente: ““Lo introduci un periodo di gracia di maximo 5 aña, ora di paga bek studiëning pa esnan cu termina exitosamente un estudio riba nivel di

enseñansa superior.”

Pakico un periodo di Gracia ta asina importante? Den e periodo di Gracia, e hoben por instala sin presion financiero, haya un hipoteca y cumpra un cas bek na Aruba, keda cu mas cash pa move den bida, cumpra un auto y establece su mes na Aruba. Di e forma aki e hobennan ta haya e accion aki atractivo y lo kier bin bek Aruba pa traha y contribui cu desaroyo di nan pais.

Loke PPA tambe a incorpora den nan Programa 2050 tabata e parti cu lo negosha cu gobierno Hulandes pa tambe inclui esnan cu ta haya un studie financiering,

pa asina den e periodo di gracia aki, no lo tin interes riba nan debe.

PPA trahando mas di cerca awor cu Hulanda

E solo echo cu awe por mira bek, cu un parlamentario Hulandes ta presenta un mocion, cu ta alinea cu e programa di PPA, ta muestra cu PPA ta riba e bon caminda. Parlamentario Eduard Pieters a enfatisa: “Esaki ta un oportunidad pa nos pueblo, pa nos hobennan y pa Aruba. Si Hulanda ta reconoce esaki y ta duna nos un man, nos lo por crea un Aruba cu mas profesional, mas speransa y mas futuro. PPA ta sigui lucha pa esaki.” Finalmente Parlamentario Pieters



indica cu: “Nos ta spera cu gobierno di Hulanda duna luz berde na e mocion aki, cu lo bira conoci dia 1 di maart proximo. Pa nos, esaki no ta solamente un mocion, pero un posibilidad real pa cambia e rumbo di nos isla y pa motiva nos hobennan: bin bek, keda, y traha pa un Aruba cu bo mes por yama bo cas di berdad.

CORDA PARKEER BON PA BO NO HAYABO TA PAGA BOET

Diahuebs mainta, Cuerpo Policial hunto cu Aruparking a tene un accion di control den Klipstraat bin ariba, riba e coducta di automobilistanan pa cu parkeo. Minister di Husticia mr. drs. Arthur Dowers a acompaña e ekipo di control durante e accion aki den cual varios ta esnan cu a ricibi un multa pa mal stacionamento.

Ultimamente tin kibramento di regla di trafico na gran escala, caminda ta crea congestionamento di e fluho di trafico, pero tampe ta crea situacionnan peligroso pa otro usuario y peaton. E blokeo di arterianan principal di trafico ta stroba e pasada di entre otro

transporte publico pa mas cu binti minuut, pero tambe pa ambulance y servicionan di emergencia cu no por pasa, a conduci cu Polis y Aruparking a drenta accion.

Pa algun siman caba, Aruparking ta activo cu nan campaña di conscientisacion pa cu parkeo den centro di ciudad y a cambia e proceso di parkeo cu awo ta mas facil, pero asina mes hopi ta opta pa ignora nos reglanan di trafico. Mirando cu hopi automobilista ta scohe conscientemente pa ignora e reglanan di trafico, tanto polis como Aruparking lo intensifica nan controlnan pa trece ordo bek.

Minister Dowers ta lamenta cu

mester hinca hende den gastonan adicional pa incumplimento cu ley, pero no por laga e situacion bay for di control. Durante e control awe, a takel varios auto, cu lo costa e doño mas placa mirando cu e lo mester paga pa por haya su auto bek.

Minister Dowers ta enfatisa cu su Ministerio no tin intencion pa crea gasto adicional pa ningun hende, pero ta sigura comunidad cu tampoco por permiti e free for all cu ta tumando luga.

E control di awe, tabata enfoca primordialmente riba mal stacionamento y no tanto ainda riba parkeo sin paga, pero Minister di



Husticia a sigura comunidad si cu Aruparking lo intensiva e controlnan riba stacionamento den e periodo nos dilanti. Parkeo den espacionan di Aruparking sin paga por costa e automobilista un boet di riba 300 florin.

E mandatario di husticia ta urgi comunidad pa mantene nan mes na reglanan di trafico y evita di haya multa of cu autoridad takel bo auto.



Noticiadi Corte

15 LUNA DI PRISON PA MUCHA DI 17 AÑA CU A PURBA MATA HENDE CU AUTO

ORANJESTAD – Awe mainta Hues di Corte den Promer Instancia, a dicta sentencia den e caso penal cu Ministerio Publico a cuminsa contra e hoben homber D.H. (18).

SOLO DI PUEBLO por a compronde cu Hues ta haya D.H. culpabel di intento di mata, door di a manda auto cu velocidad halto riba e homber P.

Den sala di Corte tabata presente e mayornan di D.H. y e homber P. Por a mira cu e homber P. ta mucho mas grandi cu D.H.

PURBA MATA CU AUTO

Hues ta haya legalmente proba cu D.H., dia 25 Mei 2025 a purba di mata e homber P. Hues a bisa cu a mira e video di seguridad cu a graba tur cos. A pasa e video aki durante tratamiento di e caso. Hues a bisa cu por a mira cu D.H. a bay cu e auto cu velocidad riba e scooter y e homber P. El a dal den e scooter y e homber P. a bula un banda. P. a coy un machete y bay riba e auto. D.H. y un ocupante a sali for di e auto. Por a mira cu e ocupante tabatin algo den su man. E momento ey, por a mira cu P. a spanta y a core bay y un dama bisti na cora cu a sali pafor, tambe a spanta y core bay.

Hues a mostra cu D.H. a bisa cu e tin rabia riba e homber P., y a tuma venganza door di dal e scooter di P. cu e auto. Hues a bisa cu e pregunta ta, si por papia aki di intento di mata. Pa conclui esaki mester puntra si D.H. a mira P.

Na opinion di Hues, D.H. a bisa Polis cu el a mira P. ta cana bay for di e scooter. Sinembargo P. tabata net mey mey di e scooter y un muraya ora cu D.H. a manda e auto riba e scooter. Hues a bisa cu riba imagennan di e video di seguridad, por a mira tur cos. Hues ta conclui cu D.H. a mira P.

CULPABEL DI PURBA MATA

Hues a mostra cu ta conoci, cu si auto dal un hende, e por mat'e. Na opinion di Hues, door di core cu velocidad halto y dal contra e scooter, D.H. a tuma e chens cu e por a mata P.

Hues ta haya intento di mata proba. Na opinion di Hues, e no ta haya proba cu D.H. tabatin un arma di candela den su man. Apesar cu P. y e dama a bisa cu a mira D.H. cu un arma. Polis a haya huls di bala den e auto. Tabatin potretan di arma den e celular di D.H.

Hues ta haya cu D.H. culpabel di intento mata. CASTIGO

Pa cu e castigo, Hues a bisa cu e ta tene cuenta cu D.H. tabata menor di edad ora di incidente. Esey kiermen cu mester aplica e castigo hubenil. Hues ta haya cu D.H. mester di ayudo psicologico pa evita cu e ta haci algo similar atrobe.

Hues a mostra cu anterior D.H. a wordo condena pa posesion di arma di candela y a haya castigo combina. D.H. a haci e delito aki den su tempo di prueba y atrobe tin arma involvi.

Hues a bisa cu e ta pone e 10 luna condicional di e castigo anterior, acerca di e castigo cu e ta condena D.H. El a condena D.H. na 15 luna di prison, di cual 10 luna ta condicional cu un tempo di prueba di 3 aña. Acerca ta bin e 15 luna cu ta nifica cu D.H. ta haya 15 luna di prison tog. Durante e tempo di prueba, D.H. ta cay bao guia di Reclasering.

Hues a bisa cu e demanda di daño di P. pa cu e scooter, lo wordo aproba. Hues a ordena D.H. pa paga 3 mil florin y a pone medida di pago. Hues a bisa tambe cu e auto confisca pa Polis, lo mester debilbe na e mama di D.H. y e cantidad di huls confisca lo wordo destrui.

JOSWALD PETERSON TA EMPLEADO SUPERIOR DI ARUBA BANK

09 di oktober 2025 - Joswald Peterson ta empleado superior di Aruba Bank pa luna di augustus 2025. Un empleado cu a demostra dedicacion y iniciativa, logrando asina e reconocimiento aki.

E compromiso di Joswald pa semper brinda un experiencia superior na cliente interno di Aruba Bank ta refleha e balornan principal di e banco. Su

dedicacion y manera proactivo di traha ta crea un impacto positivo.

Den su tempo liber, Joswald su pasion ta 3D printing, un hobby creativo cu ta duna inspiracion y posibilidad pa explora y crea obheto innovativo.

Pabien, Joswald, pa ta un empleado cu ta representa e bon cultura di servicio di Aruba Bank.



Minister Geoffrey Wever:

ARUBA AGRI DEVELOPMENT COMPANY N.V. TA BUSCA COMISARIO NOBO

Oranjestad, 9 october 2025
– Aruba Agri Development Company N.V. ta un compania estatal di cual 100% di e accionnan ta den man di Pais Aruba, cu e meta pa stimula agricultura sostenibel y innovativo na Aruba. Aruba Agri Development Company N.V. tin un rol importante pa fortalece e sector di agricultura y crea oportunidadnan nobo pa inversionistanan local y internacional den e sector di agricultura di Aruba.

Aruba Agri Development Company N.V. su actividadnan principal ta sostene e institucion financiero den e operacion di “Agrifund” pa yuda agricultornan y empresarionan local yega na financiamiento. Tambe ta promove y fortalece e empresarionan den e sector agricola y desaroya e Agri Innovation Park: un centro pa innovacion, colaboracion unda ta comparti conocimiento den agricultura.

Cu e iniciativanan aki Aruba Agri Development Company N.V. ta contribui na un sector agricola mas fuerte, resiliente y moderno pa stimula crecimiento economico y contribui na seguridad di cuminda pa nos isla.

Den cuadro di transparencia y “Good Governance” Ministerio di Finansa, Asuntonan Economico y Sector Primario conhunto cu e compania a prepara un perfil pa e miembronan di e Hunta di Comisario di e compania. Esaki a keda aproba den Consejo di Minister.

Den e cuadro aki Gobierno

di Aruba ta busca un miembro nobo pa e Hunta di Comisario di Aruba Agri Development Company N.V. E Hunta di Comisario tin

como tarea pa controla y supervisa e directiva, como tambe asuntonan general di e maneho di e compania y alabes duna conseho na

e directiva di e compania. E vacatura ta publica den diferente medionan di comunicacion y e periodo pa aplica pa esaki ta cera

dia 1 di november 2025. Por haya mas informacion di e vacatura riba rednan social di Minister Geoffrey Wever.



Minister of Finance, Economic Affairs
and the Primary Sector
mr. Geoffrey Wever

VACATURE LID RAAD VAN COMMISSARISSEN ARUBA AGRI DEVELOPMENT COMPANY N.V.

De Aruba Agriculture Development Company N.V. is een vennootschap waarvan alle aandelen in handen zijn van het Land Aruba en sinds maart 2024 actief met als missie het stimuleren van duurzame en innovatieve landbouw op Aruba. Wij zetten ons in voor het versterken van agrarisch ondernemerschap en het creëren van kansen voor lokale en internationale investeerders in de landbouwsector.

Onze activiteiten richten zich onder andere op:

- Het ondersteunen van een financiële instelling bij het exploiteren van een Agrifund ter ondersteuning van agrarische ondernemers;
- Het bevorderen van ondernemerschap binnen de agrarische sector;
- En het ontwikkelen van een Agri Innovation Park: een broedplaats voor innovatie, samenwerking en kennisdeling in de landbouw.

Met deze initiatieven willen wij bijdragen aan een veerkrachtige, toekomstgerichte landbouwsector die economische groei en voedselzekerheid op Aruba stimuleert.

Functie

Wij zoeken een deskundig en betrokken lid voor onze Raad van Commissarissen. U houdt toezicht op het beleid van het bestuur en de algemene gang van zaken binnen de vennootschap. Tevens adviseert de RvC het bestuur.

Profiel kandidaat:

- ▶ Minimaal een afgeronde HBO/WO opleiding en ruim/tenminste 7 jaren ervaring op senior management of directieniveau.
- ▶ Kennis en ervaring met strategische en bestuurlijke besluitvormingsprocessen volgens de principes van Good Governance.
- ▶ Bewezen inzicht in financiële en bedrijfsadministratieve principes.
- ▶ Ervaring met (internationale) fondsenwerving is een pre.
- ▶ Integer, daadkrachtig, resultaatgericht en stressbestendig.
- ▶ Sterke mate van sociaal-maatschappelijke sensitiviteit en betrokkenheid. Affiniteit met de agrarische sector is een pre.
- ▶ Professionele beheersing van de Nederlandse, Engelse taal in woord en geschrift.

Indien u interesse heeft in deze functie kunt u uw motivatiebrief met bijbehorend curriculum vitae vóór 1 november 2025 e-mailen naar **info.minfeps@arubagovernment.aw**.

Nadere informatie en een uitgebreide functieomschrijving kunt u opvragen via deze e-mail.

Parlamentario Eduard Pieters (PPA):

“HUSTICIA MESTER PREVALECE DEN CASO TRAGICO DI AYDEN LANOY”

Fraccion di PPA a tuma nota den prensa cu finalmente Ministerio Publico lo bay trata e caso tragico di e hoben Ayden Lanooy. Como fraccion di PPA, nan ta hopi satisfecho cu porfin e famia di Ayden, pero tambe e famia di e polisnan involucra, por sinti cu tin un proceso di husticia na caminda. Awor ta yega e momento pa pueblo y pa ambos famia haya claridad, compronde kico a pasa y kico lo sosode tambe awor.

Husticia mester prevalece

Parlamentario di fraccion di PPA, Eduard Pieters, a expresa: “Nos como fraccion di PPA ta desea pa husticia prevalece. Esaki ta fundamental pa e famianan y pa confiansa den nos sistema. Nos lo sigui di hopi cerca kico lo ta e veredicto y con e

proceso lo cana.”

Pieters a recorda cu den pasado, fraccion di PPA a entrega mocion y pregunta tocante uzo di bodycam y dashcam pa e polisnan. E dos aparatonan aki tin un meta cla: protega pueblo y polis, y duna transparencia y confiansa den un proceso hudicial. Na hopi pais bodycam y dashcam ta normal y investigacion a muestra cu nan por yuda hopi pa duna claridad y sera e casonan hopi mas liher.

Proyecto a inicia of no?

Na juli 2025, PPA a manda pregunta na Minister Dowers tocante e proyecto di bodycam. Awor a haya contesta, cu e proyecto piloto di bodycam, ainda no a ni sikiera inicia. Pieters:

“Awor cu nos ta den proceso di presupuesto,



nos lo bolbe pidi claridad: kico a para cu e proyecto? El a inicia si of no? Kico a resulta di e prome paso? Pakico a limita na cierto distrito so? Cuanto fondo lo pone pa amplia e proyecto pa tur polis y den tur distrito?” Esaki ta preguntanan importante, paso sin un plan cla y sin

ehecucion, pueblo y Polis no ta haya e proteccion y siguransa cu nan mester tin.

PPA lo sigui vigila


Eduard Pieters a enfatisa cu PPA ta hopi preocupa pa atraso den implementacion di bodycam y dashcam. “Minister mes a indica

cu e proyecto lo inicia 1 di juli 2025. Awor nos kier wak accion concreto. Como parlamentario, mi ta dispone pa sigui pidi contesta cla y concreto y pa duna push pa cu esaki no keda riba papel y promesa den aire, sino p’e bira un realidad.”

Fraccion di PPA ta manda palabra di forsa na famia di e hoben Ayden Lanooy, como tambe na e polisnan y nan famia cu tabata involucra. “Casonan manera esaki ta lanta hopi dolor den nos comunidad, pero ta recorda nos, cu solamente cu transparencia, husticia y e medidanan preventivo nos por evita e tipo di tragedianan aki den futuro. Bodycam y dashcam ta un paso esencial, y PPA lo keda firme y vigila esaki pa pueblo,” Eduard Pieters a finalisa bisando.

Durante dianan di calor

TA IMPORTANTE PA TUMA MEDIDANAN DI PRECAUCION



ORANJESTAD, 21.05.2023: Durante e ultimo dianan nos por a tuma nota di un calor extenso, temperatura hopi halto y un solo fuerte. Durante e dianan cu ta sigui comunidad por bay sigui experiencia esaki cu por ta peligroso pa nos salud. Pa combati e fenomeno di naturalesa aki no ta posibel, pero si nos por tuma accion pa proteha nos mes y otronan y tambe preveni consecucionan pa motibo di e calor extenso.

e calor aki. Ta hopi importante pa vigilanan constantemente y refresca nan curpa pa wanta e temperatura abou y hidrata nan cu suficiente likido pa evita un posibel heatstroke, cu ta un condicion hopi delicado caminda cu e curpa ta stop di soda.

E temperatura di curpa ta sigui subi mas cu 40° grado Celsius y ta perhudica e centro di control cu ta regula e temperatura corporal den nos cerebro.

Actividad 'CONOCE BO BANCO CENTRAL' BANCO CENTRAL DI ARUBA TA INVITA COMUNIDAD DI ARUBA PA UN EXPERIENCIA UNICO Y EDUCATIVO



ORANJESTAD – Pa prome biaha den su historia, Banco Central di Aruba (BCA) ta habri su porta pa comunidad pa un evento historico: 'CONOCE BO BANCO CENTRAL'. E actividad lo tuma luga Diasabra, 22 di November 2025, y lo brinda un experiencia educativo y interactivo unda grandi y chikito por descubri e rol esencial cu Banco Central tin den nos economia y comunidad.

Durante un conferencia di prensa, Division Manager Payment System, Treasury & Banking Operations, Sra. Penelope Tromp-Gomez a hiba palabra splicando BCA su compromiso continuo den informa comunidad. "Pa prome biaha BCA ta habri su porta pa pueblo

di Aruba pa asina ofrece e oportunidad di conoce mihor nos mision, balor y nos rol como Banco Central". Sra. Tromp-Gomez ta elabora cu den cuadro di e trayectoria di actualisacion di Banco Central su identidad visual, BCA no solamente ta refleha un imagen visual nobo, pero tambe re-enfora su compromiso pa ta mas cerca di e comunidad, y di e forma aki fortifica conocimiento di e rol esencial cu Banco Central tin como organo.

Durante e actividad lo ofrece un oportunidad unico pa grandi y chikito explora e diferente area di trabou di BCA. Sra. Haydelyn Thijsen, Manager Executive Office, a splica cu durante e dia, lo tin 4 seccionnan



di informacion unda bishitantenan lo por siña mas di BCA. E seccionnan ta consisti di: BCA – Antes, awo y den Futuro, Nos Tesoro – Aruba su Florin, Cyber Operations, y Placa Sabi – Bo Finanzas den Bo Man. Cu e prome seccion lo muestra e tareanan principal di BCA, su historia, direccion strategico y con e ta pa traha na Banco Central di Aruba; e siguiente ta un exposicion di placa di papel y monedanan di antes y di awo; e di tres ta dedica na "Cyber Operations" cu actividadnan interactivo pa crea concientisacion riba cyber security; y por ultimo BCA lo tin tayernan financiero interactivo pa grandi y chikito riba topico di budget y spaar. Sra. Thijsen ta splica cu lo bay tin diferente sessionnan interactivo y participativo cu ta complementa e experiencia na uno rico na conocimiento. Pa esnan di mas chikito lo tin wega

y puzzel educativo cu lo haci e topico di maneha finanzas accesibel pa un y tur.

Sra. Elmelynn Croes, Senior Economist, ta añadi aspectonan di logistica di e evento, unda cu lo tin parkeo amplio den vecindario. Kiwanis Palm Beach lo ta encarga cu un cantina bon surti. Sra. Croes ta splica cu pa cu e evento aki lo ta colaborando cu Korps Politie Aruba su K9 unit, Brandweer y Ambulans cu lo duna tur bishitante e oportunidad pa conoce mas di nan trabou. Banco Central ta pidi comunidad henter pa keda altanto encuan to mas detayenan di e evento special aki pa medio di BCA su paginan social di Facebook: Centrale Bank van Aruba, y Instagram: Centrale Bank Aruba. Finalmente, Sra. Tromp-Gomez, ta enfatisa cu e actividad

ta un oportunidad pa comunidad conoce no solamente e trabou di Banco Central pero conoce tambe e team dinamico tras di un institucion asina importante pa Aruba: "Un gradicimento special ta bay na e team di BCA cu ta dedica na haci e evento aki, uno exitoso", Sra. Tromp-Gomez ta finalisa.

Banco Central di Aruba ta haci un invitacion cordial na comunidad completo pa bishita 'CONOCE BO BANCO CENTRAL' y tuma parti den e experiencia educativo y interactivo riba 22 di November. 'CONOCE BO BANCO CENTRAL' ta cuminsa for di 10:00 a.m. y lo ta te cu 6:00 p.m. BCA ta sigura cu e evento lo ta un dia yena di conocimiento, describimento y inspiracion. Sin duda un muestra di BCA su compromiso pa integridad, sostenibilidad y responsabilidad pa comunidad di Aruba

PROME MINISTER MIKE EMAN TA HACI INAUGURACION DI SHOCO GARDEN




Diaranson mainta, Prome Minister mr. Mike Eman, a asisti na un ceremonia special na Marriott Aruba. Ta trata aki di e apertura di Shoco Garden cu ta un iniciativa di Marriott hunto cu Aruba Birdlife Conservation.

Prome Minister a expresa su gratitud na Marriott pa nan esfuerso pa logra e meta grandi cu Gobierno a pone pa inclui cada aspecto cu ta haci Aruba unico, mei mei di tur e desaroyo cu ta tumando lugha. Nos naturalesa ta forma parti crucial di esaki y cada esfuerso cu

haci na beneficio di nos naturalesa, ta un stap mas cerca di e obhetivo.

Marriott a demostra su compromiso door di crea un Shoco Garden riba nan propiedad caminda cu tin neishinan di shoco, pa cual Prome Minister Eman ta hopi agradecido.

Ademas Prome Minister Eman a gradici Greg Peterson di Aruba Birdlife Conservation pa ta un pionero den e lucha pa proteccion di nos shoco y pa pone e shoco di Aruba riba mapa.



Ta hopi importante cu sector priva ta adopta e concepto di con nos por convivi cu naturalesa y e responsabilidad pa conserva local ta di nos y na unda por, hasta recupera local a bay perdi caba. Desaroyo tur rond di Aruba a percura pa perdida grandi di nos matanan, y e meta ambicioso pa planta cien mil mata tur rond di Aruba den e siguiente 4 aña y logra conserva 500 neishi di shoco, ta posibel solamente cu sosten di sector priva y stakeholders. Te na e momentonan aki tin 200 neishi di shoco rond di Aruba cu ta registra, pero mester yuda

proteha mucho mas.

E compromiso di entidadnan grandi manera Marriott, ta duna un empuhe na e plan importante aki. Mantencion di e cantidad di acomodacion turistico cu tin awe, ta crucial pa duna espacio pa recupera otro parti di e conceptionan di desaroyo cu no a cana semper man den man cu desaroyo di turismo. Nos tin un infraestructura bao presion, waste water management ta bao presion, vivienda ta bao presion, tin un presion enorme riba e mercado laboral pa falta di personal. Ademas ta sinti for di

comunidad, cu si no atende cu nos naturalesa y nos identidad y cultura, nos lo perde e simpatia y sosten di e industria turistico.

Gobierno, mientrastanto ta preparando pa un dialogo nacional cu e sector hotelero y ta spera cu pronto por trece tur partner hunto pa delinea e direccion den cual hunto nos kier cana y den cual prosperidad comparti ta central, mescos cu proteccion di naturalesa, pero tambe unda por acomoda aspiracionnan y ambicionnan di henter e pueblo pa comparti den e bienestar di nos comunidad.



TRAHANDO HUNTO CU SOGA PA YEGA NA UN SOLUCION STRUCTURAL HOH TA INFORMA TOCANTE SITUACION DI SISTEMA DI KOELING NA TOREN B



Horacio Oduber Hospital (HOH) ta informa e comunidad di Aruba tocante e situacion actual di e sistema di koeling centralisa na Toren B, entre otro departamento di Emergencia (SEH), departamento di Maternidad y departamento di Mucha.

Actualmente nos ta experiencia problema tecnico cu e sistema di koeling, cu tin como consecuencia cu friamento riba prome, di dos y di tres piso ta limita. Esaki lo por causa molester pa nos pashentnan interna, pero tambe nos bishitantenan y nos coleganan cual nos ta lamenta profundamente.

Stichting Onroerend Goed Aruba (SOGA), responsabel pa e edificio y instalacionnan tecnico, ta trahando hunto cu nan contratista riba un solucion structural.

Mientrastanto, HOH a instala temporalmente unidadnan di airco externo den Toren B pa asina baha e temperatura y limita e molester cu e por causa pa pashent y personal di HOH.

Salud y bienestar di nos pashentnan y nos empleadonan ta central y aunke tin hopi reto ultimamente cu e temperaturanan haltisimo, esta hopi calor pafo, nos ta tuma tur medida necesario pa limita e efecto.


Ta pidi comprension y confianza di parti di comunidad mientras nos ta sigui traha di cerca cu SOGA y nan contratista pa logra drecha e sistema di koeling. HOH di su banda manera semper ta compromete pa sigui brinda e servicio di calidad manera comunidad ta custumbra den un ambiente mas comodo cu ta posibel.

INDICE DI PERCEPCION DI NEGOSHI A SUBI DURANTE E SEGUNDO TRIMESTER DI 2025

Banco Central di Aruba (BCA) a conclui e encuesta di percepcion di negoshi pa e segundo trimestre di 2025. E encuesta di percepcion di negoshi ta evalua e percepcion economico di e negoshinan local.

E asina yama ‘Business Perception Index, cu ta consisti di e indicenan di condicion economico a corto plaso y condicion economico actual, a crece for di 102,0 den e promer trimestre di 2025 te na 105,4 den e segundo trimestre di 2025 (mira Grafico 1)².


Grafico 1: ‘Business Perception Index’.



Fuente: Banco Central di Aruba

E indice di condicion economico a corto plaso a subi cu 8,0 punto di indice te na 106,1, mientras cu e indice di condicion economico actual a baha cu 0,2 punto di indice te na 104,9 den e segundo trimestre di 2025 (mira Grafico 2).

Grafico 2: Resultado di Condicion Economico actual y Condicion Economico a corto plaso durante e segundo trimestre di 2025.



Fuente: Banco Central di Aruba

E expectativa pa locual ta crecimiento economico, mitar di negoshi encuesta ta anticipa un crecimiento economico positivo den e siguiente 12 lunanan (mira Grafico 3).

Grafico 3: Expectativa di crecimiento economico den e siguiente 12 luna.

MOTOCICLISTA HERIDA, DESPUES DI DAL CONTRA PALO DI LUZ



Sombre - Diaranson anochi polis y ambulance a bay riba e caminda di Sombre, unda un brommer a accidenta.

A pidi polis cu urgencia, debi na e prome Informacionnan, bisando cu e motociclista lo ta seriamente herida.

Na e sitio e brommer mes

ya no tawata unda e la dal cu ta un palo di luz. Parse cu amistad nan lo a bay cu e brommer di e sitio.

Paramediconan cu a yega despues di atende cu e motociclista den ambulance a dicidi toch pa bay Hospitaal cu ne. No ta conoci seriedad di e golpinan ricibi, causa pa maneha sin cautela.

CROSSWORD WORD SEARCH PUZZLE



Halloween




Across

1. He swallowed the canary.
2. Playground for ghosts.
4. What a spider spins.
5. Frankenstein has one.
6. When ghosts come out to play.
7. Scare.
11. What the pot might call the kettle.
12. October 31st.
14. ____ or treat.
15. Witch transportation.
17. Frightening.
18. The Count.
20. A skeleton is just a bunch of these.
22. Disguise.
24. Lives in the belfry.
25. Incey wincey is one of these.
26. Main ingredient in a popular pie.
27. ____ stories.

Down

1. Where a vampire sleeps.
2. Evil or mischievous creature.
3. He hates garlic.
4. Samantha for example.
8. ____ house.



9. Whoo? Whoo?

10. Mr. O'Lantern.

13. Comes out on full moon nights.

16. Might be full, half, or new.

17. A boney sort of fellow.

19. Fire burn, and ____ bubble.

21. When something makes our skin crawl, it's this.

23. Found in Egypt.





Paardenbaaistraat 10, Oranjestad, Aruba Tel.: (297) 525 - 7555

www.lottoaruba.com

Resultado: Sorteo di Anochi - October 09, 2025

Catochi

Sorteo # 8669

9912

3449

3329

Multi-X

X2

Big 4

Sorteo # 7713

3520

Multi-X

FP

Off

Sorteo # 2418

1187

Zodiac

Sorteo # 6472

7950

Geminis

Lucky 3

Sorteo # 1402

724

Multi-X

FP

Lotto 5

Sorteo # 2634

0 x Jackpot

1 x Match 4+

9 x Match 4

177 x Afl. 12,00

Joker 15 Letter A

Proximo Jackpot

160.000,-

Lotto 10

Sorteo # 6972

0 x Jackpot

4 x Match 4

173 x Afl. 8,00

Proximo Jackpot

52.000,-

Mega

Mega Ball

Proximo Jackpot

320.000,-

Afl. 420.000,-

Korsou

Sorteo #

</

Liliana Braamskamp-Erasmus ta skirbi e buki pa mucha 'Zap! Zap! Zzziennnng!'



Biblioteca Nacional Aruba ta presenta otro edicion di su Festival di Buki pa Mucha. Un festival pa tur mucha na Aruba. Un proyecto cu ta consisti di hopi evento, bishita pa scol y e produccion di un buki special. Autor di buki pa mucha, Liliana Braamskamp-Erasmus, ta trece otro aventura pa mucha, hunto cu su colega ilustrador Danielle Schothorst. Titulo di e buki ta 'Zap! Zap! Zzziennnng!'. Produccion ta di biblioteca y Levendig Uitgever. Esaki ta un buki pa tur mucha na Aruba, na dos idioma, Hulandes y Papiamentu.

Un buki unico, yen di aventura, dibertido y colorido den tur sentido, cu Chispito como personahe principal. Escritora di buki pa mucha, Liliana Braamskamp-Erasmus, un bes mas, ta contribui grandemente na un festival di buki aventuroso cu



Zap! Zap! Zzziennnng!'. Biblioteca Nacional Aruba ta presenta e buki aki cu orguyo y alegria. Tur scol participante ta haya e buki regalo pa nan biblioteca.

Tur cliente di libreria ta haya e buki aki gratis cu compra di 25 florin, tanten cu tin. Por haya e buki gratuitamente na tur libreria ora cumpra un buki pa mucha, tanten cu tin.

Liliana Braamskamp-Erasmus a nace cu un pasion pa skirbi. Na scol basico caba ela cuminsa skirbi storia y na 2003 Liliana a publica su prome buki 'Rima Rond di Aruba'. E ultimo dos publicacion di e autor aki ta 'Aza y e portanan magico' y 'Zap! Zap! Zzziennnng!'. Liliana ta un dama energetico y su motor ta keda bay. Liliana ta involvi den diferente proyecto pero skirbimento ta su pasion di mas grandi!

Links BIO:


1. <https://www.bibliotecanacional.aw/>

Chispito ta encanta un storia, pelicula y specialmente ... aventura. Pero e mes? Chispito mes no ta sali for di cas. Te cu un dia e ta topa Waya Largo. E Waya Largo ki si a pasa den boshi di storia. Hunto nan ta explora e mundo hente, nan ta atraves e mondi, topa diferente bestia, y un generator gruñado. Cu ayudo di Generator nan ta yega lama, cu Chispito nunca a yega di wak di berdad ...

E aventuranan di Chispito ta conta di un aventura vibrante y yen di fantasia tocante amistad, imaginacion y pusha bo limitenan. Un buki festivo pa tur e muchanan di Aruba, yena cu luz y chispa di bida.

Chispito is dol op verhalen, films en vooral op ... avontuur. Maar hijzelf? Chispito komt het huis niet uit. Tot hij op een dag Verlengsnoer ontmoet. Die heeft eindelijk veel verhalen van wat hij heeft meegemaakt. Samen trekken ze de wijde wereld in, gaan dwars door de mondi, ontmoeten verschillende dieren en een brullende generator. Met behulp van Generator komen ze aan bij de zee, die Chispito nog nooit in het echt heeft gezien ...

De avonturen van Chispito vertelt een sprankelend en fantasierijk avontuur over vriendschap, verbeelding en je grenzen verleggen. Een feestelijk boek voor alle kinderen van Aruba, boordevol licht en levensvond.



Paga bo cuenta online ta facil

Sea
Abonnement
of Aviso



Pa hasi pago online pone number y adres na cuenta di banco RBC Sunmax Printing account # 7700000100152447

DIANA LYDIA ANTONETTE: Un Baluarte Cultural den Baile Arubano, docente, artista, bailarina, coreografo, y directora Awe riba su fecha natal...



Naci na Aruba riba dia 9 di october 1945, Señora Diana Lydia Antonette ta un di e figura mas respecta den e historia cultural y artistico di nos isla. Cincuenta y ocho (58) aña dedica como docente di baile ta un testimonio di su pasion, entrega y amor pa arte di movimiento. Su obra y su legado a consolida su nombre como un “Baluarte Cultural den Baile”.

E origen di baile segun Antonette

Segun Sir Diana Antonette, den tur cultura e prome forma di baile tabata un baile ritual, magico y religioso. For di e rais spiritual y simbolico ey a nace e baile folklorico — un expresion cultural cu ta refleha identidad y tradicion di un pueblo. A traves di siglo, baile a evoluciona den diferente forma: di baile di corte (baile di salon) te cu ballet clasico na Francia den siglo XVI, y despues baile moderno na Merca na comienso di siglo XX, cu tabata mas natural y expresivo.

Jazz-Ballet, cu a nace den Merca rond 1920, a influencia hopi otro estilo moderno, manera break-dance, hip-hop y street-dance —estilonan cu den su tempo a domina entre hobennan. Pa Diana, baile

ta un arte teatral cu ta sigui evoluciona, reflehando semper e spirito di su epoca.

E formacion y inspiracion

Na añanan 50, Aruba a ricibi docente Europeo cu a introduci ballet clasico na nos isla. Den e tempo ey, Diana Antonette no tabata consciente cu Aruba mes tambe tin su bailenan folklorico tradicional. Manera e Wals, Danza, Mazurka, Polka, Tumba, Foxtrot y Quadrillo of Square Dance.

Entre 1961 y 1968, durante su estudio na ‘Rotterdamse Dans Academie’ y na ‘Ballet Studio Nel Roos’ na Amsterdam, Hulanda, Diana a domina diferente estilo di baile, incluyendo baile folklorico, cu segun e ta “un expresion cultural di tur pueblo y nacion”.

El a gradua como docente den ballet clasico cu su specialisacion den Jazz-Ballet y Baile Flamenco.

Su contribucion na Aruba

Despues di su estudio, Diana a traha 28 aña na ‘Arubaanse Dans en Balletschool’, cu un interrupcion di tres aña pa como co-fundado, duna les y baila den grupo ‘Simadanza’. Na 1983 el a funda su propio grupo di baile: ‘Teatro di

Dansa Arubano’, cu el a dirigi y cu e grupo ey a representa Aruba internacionalmente na Corsou, Colombia, Santo Domingo, Estados Unidos, Venezuela, Puerto Rico, Hulanda y Francia.

E grupo a ricibi premio importante manera:

- Premio “Mo Tito y Rufo Wever”
- Premio Oro Aruba
- Den Ambiente Awards

Reconocementonan oficial

E trayectoria di Diana Antonette a wordo honra cu diferente premio y condecoracion:

- 2011 - Best Aruban Flavor Award, Caribbean Spotlight Series, 2nd Aruba International Film Festival
- Den 2013, durante su hubileo di 45 aña den farandula y 30 aña como directora di ‘Teatro di Danza Arubano’, el a ricibi e ‘Premio Nacional di Teatro’.
- 2014 - Commemorative Medal, HM Kind Willem Alexander's Royal Visit to Aruba
- 2020 - Werkbijdrage Bewezen Talent, Mondriaan Fonds
- 2022 - Orientation travel to Venice Bienal, Mondriaan Fonds

El a ricibi diferente distincion pa su contribucion na arte na Aruba. Na 2019 el a wordo condecora como:

- “Ridder” in de Orden van Oranje-Nassau, un condecoracion real Hulandes pa su gran contribucion cultural.

E legado educativo

For di ‘Teatro di Danza Arubano’, otro grupo di baile a nace y te awe ta sigui engrandeciendo nos folklore. Den september 1996, su sueño a bira realidad ora el a funda su propio scol: ‘Scol di Baile



Diana Antonette’.

For di 2010, e Fundacion di su scol ta organisa e ‘Dia Internacional di Baile’ (29 di april), un evento cu ta reuni diferente scol di baile di Aruba.

Hunto cu su yiu, Alydia Wever, Diana tambe a crea obra di danza-teatro multidisciplinario, manera “One in Soul” y “Muhe Frida”, mostrando un fusion di generacion y expresion artistico.

Un docente pa varias generacionnan

Aparte di su scol, Diana a duna les na hopi institucion educativo:

- Curso pa lidernan di ‘Traimerdia y creche’, y Expresion Bailabel den scolnan basico manera “Scol Scucha Nos” y “Vespucci College” (1999-2000).
- Docente suplente na “Colegio Arubano” y “Instituto Pedagogico Arubano (IPA)”.
- Docente di Culturele en Kunstzinnige Vorming (CKV) grado 2 na IPA (2004-2006).
- Docente CKV-dans na “Colegio Arubano” (2003-

2013 y 2015-2017).

Un bida dedica na arte

Awendia, mirando bek riba su caminda y trayectoria, Diana Lydia Antonette ta sinti orguyo y gratitud pa e crecemento di baile como arte den Aruba. Hopi di su alumnonan a sigui e caminda profesional di danza y a bira embahadornan di nos cultura.

P’e, ser docente den arte di baile no ta un profesion simpel; e ta un vocacion spiritual, emocional y fisico —un entrega total pa forma y inspira generacionnan.

Diana Lydia Antonette ta y lo keda un simbolo di perseverancia, disciplina y amor pa baile —un berdadero Baluarte Cultural di Aruba.

Awe nos ta bisa Diana masha pabien y hopi aña mas di bida y goso.

Masha danki pa bo amor, pasion, disciplina y dedicacion na e arte di baile y su continuacion pa generacionnan cu a sigui tanto mucha, hoben, adultonan y awe adultonan mayor.

IMF ta confirma direccion di gobierno: POLITICA ENFOCA RIBA CRECEMENTO HUSTO Y FORTIFICACION DI PODER DI COMPRA TA DUNA RESULTADO

Cu gran satisfaccion, Gobierno di Aruba ta ricibi e resultado positivo di Fondo Monetario Internacional (IMF) den su Staff Concluding Statement di e 2025 Article IV Mission pa Reino Hulandes y Aruba. IMF ta aprecia e prestacion economico di Aruba, finansa publico saludabel, y principalmente e politica cu ta enfoca riba bienestar, prosperidad comparti y fortificacion di e poder di compra di e pueblo.

“Cu gran satisfaccion por mira cu un institucion manera IMF ta reconoce explicitamente cu e politica di Gabinete AVP-Futuro ta basa riba distribucion husto di ingreso y inversionnan cu ta mehora e bida diario di nos pueblo,” segun Prome Minister Mike Eman. “Nos ta sigui construi un economia cu no solamente ta crece, pero cu ta crece pa tur hende.”

Diversificacion y balor comparti IMF ta indica cu Aruba ta traha cu exito riba e desaroyo continuo di un modelo di turismo High-Value, Low-Impact (HVL) cu ta genera “balor halto comparti pa e pueblo” y ta fortifica e producto Aruba. Ademas, IMF ta expresa su apoyo pa e iniciativa di “Promising Sectors” — manera agricultura, economia circular, industria creativo, economia di conocimiento y energia renobabel—cu ta ofrece un caminda sostenibel pa diversificacion economico. “Nos direccion ta cla,” segun Premier Eman. “Nos kier pa e prosperidad cu ta genera cu turismo y di e sectornan nobo, keda



comparti ampliamente. Esey ta e esencia di e bon comun cu nos ta persigui.” Politica fiscal responsabel cu husticia social

IMF ta receptivo pa e prome paso di Gobierno pa un presupuesto orienta riba meta di maneho, den cual e gastonan publico ta aline cu e prioridadnan dirigi riba bienestar, prosperidad y poder di compra. IMF ta menciona explicitamente e aumento di pensioen, e ampliacion di cobertura di medicina, y e sosten pa famianan cu ta ricibi asistencia social como resultado positivo di e maneho aki.

“E hecho cu e IMF ta reconoce cu nos ta inverti den nos pueblo — den nos grandinan, famia y cuidio di salud— ta muestra cu Aruba no ta scohe pa un contabilidad sin sentido y sin vision, sino pa un maneho cu ta inclui tur hende, pa e bon comun,”

Prome Minister a declara. Inversion den futuro: e fondo di inversion

IMF ta mira lesnan positivo cu por saca for di proyectonan bao di e Fondo di Desaroyo Aruba (FDA), cu por sirbi como ehempel pa e creacion di e futuro fondo di inversion. IMF ta enfatisa riba e importancia di un estructura cla, bon gobernacion y coordinacion pa uza fondonan publico di manera eficiente y pa aline e prioridadnan nacional.

“E fondo di inversion lo ta un instrumento pa sigui construi structuralmente riba nos futuro,” Eman a bisa. “IMF ta subraya precisamente loke nos ta defende: inversion cu vision, responsabilidad y resultado — pa e bon comun di Aruba.”

Aruba riba bon caminda Cu e evaluacion positivo

aki, IMF ta confirma cu e maneho di Aruba ta bay den e direccion corecto:

- un fuerte crecemento economico,
- desempleo den reduccion,
- finansa publico saludabel,
- y tur esaki ta conecta cu un maneho

enfoca riba bienestar creciedo di e pueblo.

“Aruba ta demostra cu recuperacion economico y husticia social por bay man den man,” Prome Minister Eman a conclui. “Nos ta sigui traha pa un futuro den cual tur hende ta progresa, pasobra Aruba ta di nos tur.”

Clasificados

SOLODIPUEBLO@GMAIL.COM

CEL. 585 9500

SOPI DI LETRANAN

Hola,
Vamos a buscar nombres de cosas relacionadas con
Halloween en nuestra sopita:

Bruja
Calabaza
Fantasma
Truco
Trato
Dracula



Gato
Mómia
Noche
Caramelos
Susto

C	C	E	R	R	G	C	L	B	F
D	A	W	D	R	A	C	U	L	A
P	R	L	L	O	T	B	A	R	N
S	A	K	A	P	O	C	B	R	T
U	M	R	D	B	M	O	M	I	A
S	E	Z	H	T	A	I	L	J	S
T	L	U	X	R	Y	Z	L	U	M
O	O	V	G	U	L	L	A	T	A
T	Y	N	O	C	H	E	N	Y	C
T	R	A	T	O	B	R	U	J	A

SUDOKU

	3		2		9		7	
9			4	1	3			8
		1		7		3		
7	1			4			9	5
	8	6	9		7	4	3	
5	9			2			8	7
		8		6		9		
6			1	3	2			4
	4		8		5		6	

		6	7		4	9		
	5			6			8	
2								5
3								1
1								2
	8						3	
		7				6		
			3		9			
				8				

	7			6				9
6				5			8	
		4				7		
	3				6			
2				5				8
			4				1	
		3				4		
	2				7			3
1				8			2	

Oracion di dia

**Un feliz dia yena di hopi fe y speransa
den nos bon Dios**

"...sino conta e generacion venidero: esta gloria di Señor, su poder, ye cosnan milagroso c'El a haci." (Salmo 78, 4bc)
E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, CristoHesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cuDios. Pero anos a sigui conta nos yiunan tocante di Dios manera nosgrandinan a haci? Anos a siña e hubentud tocante e milagronan ysacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba ecaminda cu Cristo Hesus a traha pa nos. "...pa nan tambe confia denSEÑOR, no lubida Dios su obranan grandi..."(Sal 78, 7)

Oracion: Señor mi Dios motiva mi y guia mi, cu yudansa di SpiritoSanto, ariba mi responsabilidad pa conta y educa e generacion nobo di
Bo Maraviya.
Y inspira nan pa nan sigui conta na e siguiente generacion.
Amen.

FORTALEZA PA FAMILIA

Scirbi pa Pastor Marcel Balootje.

SENSUALIDAD TA ASOCIA CU INMORALIDAD SEXUAL

Sensualidad ta tur local ta lanta e carni di hende y hibe den e deseo carnal of deseo sexual, y mas peor ainda por hiba hende na perversidad.

Awendia tin hopi cantica sensual combina cu video sensual cu ta hiba na inmoralidad sexual.

Tin hopi artista of mihor bisa influencer cu ta esey ta nan mercado, traha cantica Sensual, cu ta wordo combina cu alcohol y droga y asina habri mercado di inmoralidad.

Cada cantica cu palabra nan dobbel sinti, of cu ta papia di culpa di hende, y deseo di hende un pa otro ta lanta e carni di hende riba e Spirito y ta hiba hende na sensualidad.

Sensualidad ta pica (Galationan 5:16-21) cual ta bisa nos: Ma mi ta bisa boso, cana segun e Spirito, y boso lo no cumpli cu e deseo di e carni. Pasobra e carni ta pone su deseo contra e Spirito y e Spirito contra e carni, pasobra esakinan ta contrario na otro, pa boso no haci e cosnan cu boso kier.

Tin hopi hende ta promove sensualidad sin nan sa , of nan sa masha bon y

ta usa sensualidad como negoshi pa hala atencion di hobennan y adultonan cu no ta respeta nan mes y no tin temor di Dios.

No ta pornada e palabra di Dios ta bisa den 1 Corintionan 6:19 of boso no sa cu boso culpa ta tempel di Spirito Santo kende ta den boso, Kende boso tin di Dios y cu boso no ta pertenece na boso mes. Pasobra boso a wordo cumpra pa un preis, pesey glorifica Dios den boso culpa.

Awor nos ta comprende e lock cu tin riba hubentud cu sensualidad, pasobra constantemente nan ta scucha sensualidad den tur idioma, y ta mira short videos sensual riba telefon henter dia, y cada cantica nobo cu sali tin su parti sensual den dje pa lanta e carni, cual ta hiba na inmoralidad sexual, pasobra e enemigo sa cu sensualidad hunto cu alcohol y droga ta cuminda pa maldad.

Pesey como mayor nos mester tene bon cuenta kico nos ta laga drenta nos cas, ya cu ningun cantica no ta wordo censura mas, ta parce manera tur esnan cu mester censura cantica a pega sonjo of a bay

cu vacante. Pasobra pa censura un cantica hende mester tin temor di Dios.

Awor a keda na cada mayor pa controla mas leu cu bo por kico bo yiu ta scucha y mira, pasobra e mundo ta yena cu sensualidad, y esnan cu ta gusta sensualidad ta haci negoshi

cune, y cada rato bo ta mira mas material ta wordo inventa.

Romanonan 1: 21-32 ta splica nos con leu hende por yega ora nan ta esclavisa na sensualidad, nan comportacion sexual ta bay den perversidad.

1 Juan 2:15 ta splica tocante sensualidad, bisando : No stima mundo y e cosnan di mundo, Si un hende ta stima mundo e amor di e Tata no ta den dje. Pasobra tur loke cu tin den mundo, e deseo di carni, y e deseo di wowo, y e orguyo di bida, no ta bin di e Tata sino di e mundo.

Laga nos comporta nos mes desentamente manera den dia, no de parandamento ni den buracheria, no den inmoralidad sexual y den sensualidad, no den pleito y envidia. Ma bisti boso mes cu Senyor Hesus Cristo y no haci provision pa e carni, pa cumpli cu su mal deseonan. (Romanonan 13:13).

Den e ultimo tempo lo tin bofonadornan cu ta sigi tras di nan mes pasion perverso. Esakinan ta esnan cu ta causa division, hendenan sensual, cu no tin e Spirito. (Judas 1:18-19).



Cu dolor na nos curason, nos ta participa fayecimento di



Helenus Koelman - Wernet
Miho conoci como Nena
**Augustus 18, 1934 - +October 05, 2025*
Fiel Miembro y Gran Colaborado
di Forsa Femenino Grace y di Partido MEP
Acto di entierro lo tuma lugar diabierna 10 di October 2025 na
misa Inmaculada Concepcion di 2pm pa 4pm
despues lo sali pa Santana Catolico na Sta. Cruz



FOR SALE

One 2 PERSON outdoor
bathtub jacuzzi White,
6 feet long x 4 ft wide in
good condition
Price awg 1000.00
and is negotiable
Tel 5972155

ESNAN CU A DIVORCIA Y TA BIBANDO CU OTRO PERSONA DEN ADULTERIO Y NAN TA KERE CU NAN TA SALBA

Bo no sa, cu unabes cu bo ta casa pa Dios den e Sacramento di Matrimonio, bo ta keda casa pa Dios te na morto y Dios no ta reconoce divorcio. Awor, si bo ta un hende divorcia y bo ta biba cu otro, anto ta con bo por yama bo companjante bo esposo of bo senjora maske cu boso ta casa pa raad? Bo no tabata sa cu bo ta bibando den e pika condenabel di adulterio? Bo sa cu e pika di adulterio ta condenabel pa Dios y na tur esnan cu a muri den nan pikanan di adulterio, nan lo no drenta den e Reino di Dios y nan destino lo ta den fierno of den purgatorio. Bo meser compronde cu e di 6 Mandamento di Dios Tata ta bisa bon cla: "Lo bo no comete e pika di adulterio." Lesa den Bijbel Ma-

teo 5: 32, na unda Senjor Hesus ta adverti bon cla: "Ami ta bisa boso: Ken cu divorcia di su senjora, si no ta pa motibo di infidelidad, e ta pone su senjora comete adulterio. Es cu casa cu e senjora divorcia, e tambe ta comete adulterio." Akinan nos por compronde bon, si un homber divorcia di su senjora, anto e ta provoca cu e senjora ta bay busca un otro persona pa biba cun'e den e pika di adulterio. Akinan e homber cu a divorcia di su senjora, ta keda responsabel di su senjora cu el a divorcia. Y tambe e homber ta keda responsabel di su senjora cu ta bay perdi den e pika di adulterio. Na e dia di huicio dilanti di e tribunal di Dios Tata, e homber y e muher tin di duna cuenta di nan

actonan di divorcio y di adulterio.

Les den Bijbel Marko 10: 6-9 : "Na principio di creacion, Dios a traha homber y muher, p'esey e homber lo laga su tata y su mama pa e uni cu su muher y nan dos lo bira un solo curpa. Di manera cu nan no ta dos mas, sino un solo curpa. Pues loke cu Dios a uni, no ta permiti pa hende separa." Esaki ta e Sacramento di Matrimonio di Dios den Misa, na unda cu Dios ta uni e pareha den un solo curpa, pa medio di un sacerdote y cu dos testigo. Tambe bo por compronde, cu Dios no ta reconoce divorcio y e pareha mester keda uni te na morto, maske cu nan a divorcia pa raad.

Dia cu bo a casa den e Sacramento di Matrimonio den Misa pa Dios, bo no a huramenta pa Dios dilanti di altar, cu bo lo keda fiel den bon tempo y den tempo di adversidad, den tempo di abundancia y den tempo di pobresa, den tempo di salud y den tempo di enfermedad, den tempo di pas y den tempo di pleito y di stima otro manera bo mes y di keda fiel te na morto?

Awor mi ta puntra bo, ta na unda bo huramentonan a keda dilanti Dios? Laga nos lesa den Bijbel Mateo 5: 33, na unda cu Senjor Hesus ta bisa tocante huramento : "Tambe boso a tende loke a ser bisa na boso antepasadonan: Lo bo no kibra huramento y lo bo cumpli loke cu bo a huramenta na Senjor." Akinan, bo no a huramenta dilanti di Dios den Misa, di keda hunto y fiel cu bo pareha te na morto? Den Bijbel Huan 4: 5-42, akinan nos por lesa, ora cu e muher Samaritana a pidi Hesus p'e haya e awa di bida eterna, p'e no haya sed di awa nunca



mas, anto Hesus a bise, bay busca bo esposo y bin cun'e cerca Mi. E muher Samaritana a bisa Hesus, mi no tin esposo, anto Hesus a bise'le, bo tabata tin 5 homber y e homber cu bo ta bibando cun'e awor, no ta bo esposo. Akinan nos por compronde cu e muher Samaritana ta bibando den e pika grandi di adulterio, pasobra ela divorcia di su prome casa, pa despues ela bay biba cu diferente homber den e pika di adulterio. Akinan tambe, Senjor Hesus ta bisa na tur esnan cu a divorcia y ta bibando den e pika di adulterio, pa nan bay busca nan senjora of nan esposo cu Dios a uni nan den e Sacramento di Matrimonio, pa e pareha cu a divorcia por ta salba di e condenacion den fierno. Bo no tabata sa, si bo muri den bo pika di adulterio, bo no por drenta den

e Reino di Dios. Lesa den Bijbel 1 Corinthionan 6: 9 y 10: "Boso no sabi, cu e inhustonan lo no drenta den e Reino di Dios? No ganja boso mes, pasobra ni e fornicadornan, ni e adoradornan di diosnan falso, ni esnan den adulterio, ni e homosexualnan, ni e ladronnan, ni e burachenan, ni e blasfemadornan, ni esnan golos pa plaka, ni e abusadornan, nan tur lo no drenta den e Reino di Dios." Tambe den Bijbel Testament Bieuw Levitico 20: 10, na unda cu Dios Tata ta bisa: "Si un homber ta comete adulterio cu un muher casa di su prohimo, nan dos lo muri, e adultero y e muher adultera." P'esey cambia boso bida prome cu ta laat, pa boso no ser condena den e candela di fierno despues di morto.

Un mensahero di Dios.

UN BITTER DI MAS...

POR STROBA BO DI YEGA CAS.



E
DESICION TA
DEN BO MAN



Clasificados

SOLODIPUEBLO@GMAIL.COM
CEL. 585 9500